

FAMILIA-INGURUKO ZAINKETEI LAGUNTZEKO PRESTAZIOA (FIZPE)

Garrantzitsua

Adi: hemen Gizarte Zerbitzuei buruzko informazioa baino ez duzu aurkituko.

Hau da, beste baliabide batzuei buruzko informazioa bilatzen baduzu, hala nola Diru-sarrerak Bermatzeko Errentari (DSBE) buruzkoa, familientzako kontziliazio-laguntzei buruzkoa, adingabeak eskolatzeari buruzkoa edo osasun-zerbitzuetarako sarbideari buruzkoa, Hezkuntza, Familia eta Haurtzaroa, Osakidetza edo Lanbideren atarietara jo behar duzu informazioa jasotzeko.

Webgune honetan jasotzen diren prestazioez gain, udal bakoitzak eta aldundi bakoitzak beste zerbitzu eta prestazio batzuk izan ditzakete Gizarte Zerbitzuen arloan.

Desgaitasuna duen 18+ pertsona > Laguntza ekonomikoak zuretzat edo zure zaintzaileentzat

Fitxa osoa kontsultatzen ari zara. [Hemen informazio laburtua.](#)

Zertan datza prestazio hau?

Familia-inguruneko zaintzetarako prestazio ekonomikoa - FIZPE diru-laguntza bat da, mendekotasuna duen pertsona familiako kide batek etxean zaintzeko gastuak ordaintzen laguntzeko ([3.2.1 fitxa](#)). Prestazio hori mendekotasuna duen pertsonaren arretarako banakako programan (BAP) sartuta egon behar da. Onuradunari emandako arretaren kalitatea bermatze aldera, FIZPEak bere baitan hartzen du etxean emandako arretaren ikuskapena, bai eta zaintzailearen prestakuntza eta gaikuntza ere.

Nork jaso dezake prestazio hori?

Mendekotasuna duten pertsonak (I., II. edo III. graduak).

I. gradua - Mendetasun arina

eguneroko bizitzako oinarrizko hainbat jarduera egiteko laguntza behar duenean, gutxienez **egunean behin**, edo autonomia pertsonalerako aldizkako edo mugatutako laguntza behar duenean. Mendekotasuna baloratzeko baremoan (MBB) 25 puntutik 49 puntura.

II. gradua - Mendetasun larria

Pertsonak eguneroko bizitzako oinarrizko hainbat jarduera egiteko laguntza behar duenean, **egunean bizpahiru aldiz**, baina ez duenean zaintzaile baten etengabeko laguntza nahi edo ez duenean laguntza zabalik behar bere autonomia pertsonalerako. Mendekotasuna baloratzeko

baremoan (MBB) 50 puntutik 74 puntura.

III. gradua - Mendetasun oso larria

Pertsonak laguntza behar duenean eguneroko bizitzako oinarritzko hainbat jarduera egiteko **egunean hainbat aldiz**, eta autonomia fisiko, mental, intelektual edo sentsoriala erabat galdua duenez, beste pertsona baten laguntza ezinbestekoa eta etengabea behar duenean edo autonomia pertsonalerako laguntza orokorra behar duenean. Mendekotasuna baloratzeko baremoan (MBB) 75 puntutik 100 puntura.

Zein baldintza zehatz bete behar dira prestazioa eskatzeko?

Mendekotasuna duen pertsonaren aldetik:

- Mendekotasun graduren bat onartua izatea (I., II. edo III. gradua)
- Prestazioa zein Lurralde historikotako Foru-aldundiari eskatzen zaion, hango udalerriren batean erroldatuta egotea.
- Espainiako nazionalitatea izatea edo legezko egoitza Espainiako Estatuan izatea (adingabeak izan ezik).
- Mendekotasun egoera onartzeko eskaera egin aurretik, familia barruko zainketen bidez artatua izatea.
- Bizigarritasun- eta irisgarritasun-baldintza egokiak dituen etxebizitza bat izatea, zainketa egokiak jasotzeko.
- Gizarte zerbitzu eskudunek mendekotasuna duen pertsonaren etxebizitza eskura dezaten erraztea, baldintzak betetzen diren edo inguruabarrak aldatzen diren egiaztatzeko.

Zaintzaile nagusiaren aldetik:

- Adinez nagusia izatea.
- Ezkontidea edo izatezko bikotekidea, 3. mailara arteko senidea, tutorea edo harreragilea izatea.
- Mendekotasuna duen pertsonarekin bizitzea eta harekin erroldatuta egotea.
- Estatuan legezko egoitza izatea.
- Ez izatea adin aurreraturik artatutako pertsonak II. edo III. graduako mendekotasuna duenean, ez eta mendekotasuna edo desgaitasuna duen pertsona gisa baloratuta egotea ere (=>%65).
- Mendekotasuna duen pertsona artatzeko gaitasun fisiko eta psikiko nahikoa izatea.
- Zaintza-lanak egiteko denbora nahikoa izatea.
- Arreta Pertsonalizatuko Planean agertzea, eta mendekotasun egoeran dagoen pertsona zaintzeko eta artatzeko behar diren konpromisoak formalki hartzea.
- Gizarte zerbitzuek agindutako zainketei buruzko laguntza eta prestakuntza ikastaroetan parte hartzeko prest egotea.
- Gizarte-zerbitzuek edo, hala badagokio, etxez etxeko laguntza-zerbitzuak edo eguneko zerbitzuak edo zentroak ematen dituzten jarraibideei, irizpideei edo gomendioei erantzutea.

Zenbatekoa da?

Pertsona bakoitzak jasotzen duen zenbatekoa kalkulatzeko, hainbat faktore hartzen dira kontuan:

- Mendetasun-gradua eta -puntuak.
- Eskatzen duen pertsonaren gaitasun ekonomikoa.
- Beste gizarte-zerbitzu batzuk erabiltzen diren ala ez.
- Antzeko beste prestazio edo osagarriak kobratzea.tencia que es compatible)

Foru-aldundiek finkatzen dute gehienezko zenbatekoa urtero, eta urtean 12 ordainsari ordaintzen dira

Bateragarria al da beste laguntza batzuekin?

FIZPE **ez da bateragarria** SAAD Autonomiaren Aldeko eta Mendetasunari Arreta Eskaintzeko Sistemaren beste prestazio ekonomiko batzuekin (Zerbitzuari Lotutako Prestazio Ekonomikoa izan ezik), baina **bateragarria** da mendetasunari arreta emateko zerbitzu guztiekin, egoitza- edo ostatu-zentroetako egonaldi iraunkorrekin izan ezik. Egoitza-zerbitzu batean aldi baterako egonaldia egiten denean, laguntza aldi baterako etenda geratuko da egonaldia amaitu arte.

Nori dagokio prestazio hori ematea?

Familia Inguruneko Zainketetarako eta Profesionalak ez diren Zaintzaileei Laguntzeko Prestazio Ekonomikoa - FIZPE **Foru Aldundien ardura** da.

Non eska dezaket prestazioa?

Zerbitzuaren eskaera zure auzo, udalerrri edo eskualdeko Oinarrizko Gizarte Zerbitzuetan egin behar da.

Prestazio honetan interesatuta bazaude edo gehiago jakin nahi baduzu, Gizarte Zerbitzuetan lan egiten duten pertsonekin hitz egin dezakezu. Nola funtzionatzen duen eta prestazio hori nola balia dezakezun azalduko dizute. Esaiguzu zure udalerrria eta harremanetarako lekuak eta datuak adieraziko dizkizugu.

Zer arauk ezartzen du prestazio hori?

Zorroaren jatorrizko fitxarako sarbidea

Informazio gehiago:

- [Familia-inguruko zainketei laguntzeko prestazioa Araban](#)
- [Familia-inguruko zainketei laguntzeko prestazioa Bizkaian](#)
- [Familia-inguruko zainketei laguntzeko prestazioa Gipuzkoan](#)

[Fitxa laburrera itzuli](#)